



Universitätsbibliothek Paderborn

**D. Bernardi Primi Clarævallensis Abbatis, Ordinis
Cisterciensium Antesignani, melliflui Ecclesiæ Doctoris
Sermones In Dominicas & Festa per annum**

Bernardus <Claraevallensis>

XII. De vers. 12. Quoniam Angelis &c. & vers. 12. In manibus portabunt
&c.

urn:nbn:de:hbz:466:1-39254

S E R M O N XII.

De ps. XI. Quoniam Angelis suis mandavit de te, &c. Et de ps. XII.

In manibus por.

SI meministis, hesterno sermone vias Dæmonum præsumptionem diximus & obstinationem, nec tacuimus quare id diceremus. Possimus tamen, si necessarium judicatis, vias eorum via adhuc alia investigare. Nam & si omnimodis eas occultare laborent, multipliciter eos prodit Spiritus sanctus, multipliciter in scripturis sanctis declarat semitas iniquorum. Legimus siquidem de eis omnibus^a, quoniam in circuitu impii ambulant. Legimus de eorum principe^b, quoniam circuitus querens quem devoret. Quod & ipse fateri cogitur in praesentia maiestatis, ut inter filios Dei astans, & unde veniat requisitus: Circnivi, ait^c, terram, & perambulare eam. Dicamus itaque vias eius circuitionem & circumventionem. Ista enim ad nos, illa utitur in seipso. Semper ille extollitur, sed dejicitur semper: superbia eius ascendit semper, semper humiliatur. Nunquid non circuitus iste? Qui enim in circuitu ambulat, proficiscitur quidem, sed proficit nihil. Vx homini qui sequitur hunc circuitum, qui nunquam à propria voluntate recedit: si conarisi avellere, paululum sequi videbitur, sed in dolo. Circuitus est, aliunde redditum parat, non ab ea penitus abducetur. Satagit undique, undique fugitat, hæret tamen semper propria voluntati.

^a Psal. 11. b
^b 1. Pet. 5.

^c Iob. 1. &
2. a
Via Dæmonis
alia preterito
periore.
Circutio, &
circumventio.

^d Psal. 2. d
Ascensio &
descensio Dæ-
monum.

Veruntamen si mala est circuitio propria, longè equidem peior circumventionia aliena. Ea siquidem vel maximè Diabolum facit. Sed quomodo, Fratres, ut miserum hominem circumveniat, superbissimus ille descendit? Vide circuitum impii, etiam in hoc ipso. Oculi eius omne sublime evidenter attamen ima quoque ipsa curiosè vestigat, sed ut magis ascendat, ut vehementius intumescat, & dum conculcaverit humilem, sibi videatur ipse sublimior, sicut scriptum est^d: Dum superbit impius, incenditur pauper. Quam perversè ascendentes & descendentes Angelos bonos Angelus malus exemplatur? Ascendit studio vanitatis, descendit livore malignitatis. Cuius mendax ascensio, eius crudelis descensio est: expers ille (ut heri diximus) misericordiae & veritatis. Cæterū si descendunt maligni ut circumveniant, gratias ei cuius mandato descendit, & benigni Angeli ut subveniant nobis, ut custodiant nos in omnibus viis nostris, Neque hoc solum, sed in manibus, inquit, portabunt te, ne unquam offendas ad lapidem pedem tuum.

Quanta nobis, Fratres, in huius scripturæ verbis, & eruditio, & admonitio, & consolatio exhibetur? Quis in omnibus psalmis tam magnifice pusillanimes consolatur, negligentes admonet, erudit ignorantibus?

<sup>Commandatio
versiculi 12.
e psal. pre-
senti.</sup>

Y y 2

Unde

542 *Sancti Patris Bernardi*

Unde id quoque fidelibus suis providentia voluit divina præstare ut in ore ipsorum versiculi psalmi huius hoc maxime quadragesimali tempore verarentur. Nec aliunde quām ex ipsius usurpatione Diaboli sumpta videatur occasio, ut in hoc quoque nequissimus ille servus filiis serviat vel invitus. Quid enim tam molestum ei, quid nobis esse potest tam jucundum, quām ut etiam malum eius nobis cooperetur in bonum? *Angelis suis mandavit de te, ut custodiant te in omnibus viis tuis.* Confiteantur Dominō misericordiæ eius, & mirabilia eius filiis hominum. Confiteantur & dicant inter gentes: quoniam magnifica vit Dominus facere cum eis. Domine quid est homo quia innotuisti ei, aut quid apponis erga eum cor tuum? Apponis cor erga eum, geris pro eo sollicitudinem, curam illius habes. Denique ei mittis Unigenitum tuum, immittis spiritum tuum, promittis etiam vultum tuum. Et ne quid in cœlestibus vacet ab opera sollicitudinis nostræ, beatos illos spiritus propter nos mittis in ministerium, custodiæ nostræ deputas, nostros jubes fieri pædagogos. Parum est enim quod facis Angelos tuos spiritus, facis & angelos parvulorum. Denique Angelī eorum semper vident faciem Patris^e. Illos utique tam felices, & tuos ad nos, & nostros ad te angelos facis.

*Inmensa Dei
bonitas, qua
nos præsidio
dignatur
Angelorum.*

Matt. 18. b

*Ingens Bene-
ficium An-
gelica custo-
die eleganter
expenditur.*

*Angelorum
officium erga
homines quod.*

Mate. 13. d

Angelis suis mandavit de te. Mira dignatio, & verè magna dilectio charitatis. Quid enim, quibus, de quo, quid mandavit? Studiosè consideremus, Fratres, diligenter commendemus memoriae hoc tam grande mandatum. *Quis enim mandavit, cuius sunt Angelii, cuius mandatis obtemperant, cuius obediunt voluntati?* Nempe *Angelis suis mandavit de te, ut custodiant te in omnibus viis tuis:* nec cunctantur, quin etiam in manibus tollant te. Summa ergo majestas *mandavit Angelis, & Angelis suis mandavit.* Illis utique sublimibus, tam beatis, tam proximis sibi coherrentibus, tam familiariter adhærentibus & vere domesticis Dei. *Mandavit de te.* Tu quis es? Domine, quid est homo quod memor es eius, aut filius hominis quoniam reputas eum? quasi vero non sit homo putredo, & filius hominis vermis. Sed quid putas mandavit de te? Nunquid scriptis contra te amaritudines? Nunquid ut contra folium quod vento rapitur, ostendant potentiam suam, & stipulam siccam persequantur? Nunquid ut tollant impium ne videat gloriam Dei? Mandandum istud est, non mandatum. Non recedas ab adiutorio Altissimi, in protectione Dei cœli commorare, ne de te illud quandoque mandetur. Quem enim protexerit DEUS cœli, non de eo illud mandabitur, sed pro eo. Et quod interim mandatur pro eo differtur ut sint omnia propter electos. Denique parantibus ire servis, & continuo supereminata colligere zizania cupientibus providus paterfamilias: *Sinite, inquit f, usque ad Messem,*

In Psalmum XC. Qui Habitat, Serm. XII. 543

meſſem, ne forte eradicetis ſimul & triticum. Quomodo igitur tandem conſervabitur interea? Hoc planè, hoc opus prælens, hoc mandatum tem-
poris hujus.

Itaque Angelis ſuis mandavit de te, ut cuſtodian t te. O triticum in-
ter zizania, o granum inter paleas, o liliū inter spinas. Gratias ei, fra-
tres, gratias ei & pro nobis pariter & pro vobis. Pretiosum depositum
nobis commiferat, fructum crucis ſuæ, pretium Sanguinis ſui. Non eſt
contentus cuſtodia hac tam parum utili, tam fragili, tam insufficienti.
Super muros tuos Hierusalem conſtituit cuſtodes. Nempe etiam ipſi qui
videntur muri, aut in muro ipſo columnæ, his cuſtodibus egent, &
maxime.

Angelis ſuis mandavit de te, ut cuſtodian t te in omnibus vijs tuis. Quan- Reverentia
Angelis de-
bita.
tam tibi debet hoc verbum inferre reverentiam, afferre devotionem,
conferre fiduciam. Reverentiam pro præſentia, devotionem pro bene-
volentia, fiduciam pro cuſtodia. Cauta ambula, ut videlicet cui adsunt
angeli (ſicut eis mandatum eſt) in omnibus vijs tuis. In quovis diver-
ſorio, in quovis angulo, Angelo tuo reverentiam habe. Tu ne audeas
illo præſente, quod videntē me non auderes. An præſentem eſſe dubi-
tas quem non vides? Quid si audires, quid si tangeres, quid si oſfaceres?
Vide quia non solo viſu rerum præſentia comprobetur. Non omnia
viſu ſubjacent, nec corporalia quidem? quanto magis ſpiritualia procul
ſunt ab omni ſenſu corporeo, & ſpiritualiter potius veſtiganda? Si fi-
dem conſulas ea tibi angelicam probat præſentiam non deeffe. Nec di-
xisse piget, quoniam fides probat; quam nimirum Apostolus & argu- Heb. 11. a
mentum non apparentium eſſe diffinit. Adsunt igitur, & adsunt tibi,
non modo tecum, fed etiam pro te. Adsunt ut protegant, adsunt ut pro-
ſint. Quid retribues Domino pro omnibus quæ retribuit mihi? Siqui-
dem ſoli ei honor & gloria. Quare ei ſoli? quia ipſe mandavit; & o-
mne datum optimum non niſi ab illo eſt ^b.

Veruntamen eti illi mandavit, ipſis quoque, qui & ei ex tanta cha-
ritate obediunt, & nobis ſubveniunt in tanta neceſſitate ingratos eſſe non
licet. Simus ergo devoti, ſimus grati tantis cuſtodibus, redamemus eos,
honoremus eos quantum poſſumus, quantum debemus. Totus tamen ei
reddatur & amor & honor noster, à quo tam ipſis quām nobis eſt totum
unde honorare poſſumus vel amare, unde amari honorarive meremur.
Neque enim Apostolus ubi ait ⁱ: Soli Deo honor & gloria, prophetico cre-
dendus eſt obviare sermoni, qui ſibi etiam amicos Dei nimis honorifi-
catus eſſe teſtatur ^k. Puto autem ſimile eſſe illud verbum Apostoli, ci
quod item ait ^l: Nemini quicquam debeat, niſi ut invicem diligaris.

Y yy 3 Siquidem

^b Iacob. 1. c
Quantam Deo
& ipſis quo-
que Angelis
gratitudinem,
amorem & ho-
norem debe-
mus.

*ⁱ 1. Tim. 1. d

*^k Psal. 138. c

*^l Rom. 3. c

544 Sancti Patris Bernardi

Siquidem non hoc voluit, ut alia quælibet debita negarentur, præsertim cum idem ipse dicat^m: *Cui honorem, honorem: & cætera in hunc modum.* Ut ergo plenius intelligas quid in utroque senserit, quidve monuerit, vide quemadmodum inter radios solis minora quælibet luminaria non videntur. Nunquid amota modo sidera arbitramur, nunquid extincta? Minimè quidem, sed ampliori claritate quodammodo testa, interim apparere non posse. Sic ergo dilectio illa quævis debita superans, quasi sola regnare debet in nobis; ut quicquid debetur cæteris; sibi vendicet, & ex dilectione omnia faciamus. Sic divinus prævalere debet honor, & quodammodo præjudicare universis, ut solus ipse non modo præ omnibus, sed in omnibus honoretur. Idipsum sane putes, dictum etiam de amore. Quid enim extra ipsum reliquit cæteris, qui totum cor, totam animam, totam virtutem domino Deo suo in dilectione donavit? In ipso itaque, fratres, affectuose diligamus, Angelos ejus, tanquam futuros aliquando cohæredes nostros, interim vero actores & tutores à Patre positos, & præpositos nobis. Nunc enim filij Dei sumus, et si nondum apparet quid erimus, eo quod adhuc parvuli sub tutoribus & actoribus sumus, tanquam nihil interim differentes à servis.

Cæterum et si tam parvuli sumus, & tam magna nobis, nec modo tam magna, sed & tam periculosa via restat, quid tamen sub tantis custodibus timeamus? Nec superari nec seduci, minus autem seducere possunt qui custodiunt nos in omnibus viis nostris. Fideles sunt, prudentes sunt, potentes sunt, quid trepidamus? Tantum sequamur eos, adhæramus eis, & in protectione Dei cœli commoremur. Vide enim quam necessaria sit ista proteccio, ista custodia in vijs tuis. *In manibus (inquit) portabunt te, ne unquam offendas ad lapidem pedem tuum.* Parum tibi videtur, quod non sit lapis offensionis in via? Considera quæ sequuntur: *Super aspidem & basiliscum ambulabis, & conculcabis leonem & draconem.* Quam necessarius pædagogus, imò etiam bajulus, præsertim parvulo inter hæc gradienti? *In manibus (inquit) portabunt te.* In tuis quidem viis custodient te & deducent parvulum quæ potest parvulus ambulare. Cæterum non te patientur tentari supra quæ sustinere potes, sed in manibus tollent, ut pertranscas offendiculum. Quæm facile transit, qui illis portatur manibus, quæm suaviter (juxta vulgare proverbium) natat cuius alter sustinet mentum.

Quotiens ergo gravissima cernitur urgere tentatio, & tribulatio vehemens imminere, invoca custodem tuum, ductorem tuum, adjutorem tuum, in opportunitatibus, in tribulatione. *Inclama eum, & dic: Domine, salvia nos, perimus.* Non dormit neque dormitat; et si ad tempus qua-

*m Ibidem. b
Honor soli
Deo debitus
non excludit
honorem
SS.*

*Idem de A-
more tenen-
dum.*

*Quam nece-
saria nobis
Angelorum
protectio.*

*In tentationi-
bus & tribu-
lationibus in-
vocandi SS.
Angeli.*

In Psalmum XC. Qui Habitat, Serm. XII. 545

pus quandoque dissimulet, ne torte periculosius ab illius te manibus ipse præcipites, si te eis ignoraveris sustentatum. Spirituales enim sunt manus istæ, & auxilia utique spiritualia, quæ singulis electorum pro cuiusque discriminis modo & objectæ difficultatis, tanquam lapideæ molis quantitate, ab his qui sibi deputati sunt Angelis spiritualiter & multipliciter exhibentur. Dico ego tamen aliqua ex his quæ communia magis arbitror, & paucis qui inter vos sunt inexperta. Turbatur aliquis vehementer, seu corporali quovis incommodo, seu tribulatione aliqua seculari, seu acedia spiritus, & quadam animi defectione languescens. Jam tentari incipit supra quā valeat sustinere, jam impinget, & offendet in lapidem, si non fuerit qui subveniat. Quis vero est lapis iste? Ego illum intelligo lapidem offensionis, & petram scandali, in quam si offenderit quis, collidetur: super quem vero ceciderit, conteret eum ⁿ *Isaiæ. 8, c.* Lapidem utique angularem, electum preciosum, qui est Dominus Christus. In hunc lapidem offendere, est murmurare adversus eum, scandalizari à pusillanimitate spiritus & tempestate. Itaque opus illi est angelica ope, angelica consolatione, angelicis manibus, qui jam defecit, jam propemodum offendit in lapidem. Et verè offendit in lapidem, qui murmurat & blasphemat, scipsum collidens, non eum in quem furibundus impingit.

*Ad lapidem
languidos,
& pusillanimes
offendere.*

Arbitror sanè velut duabus quibusdam manibus ejusmodi homines interdum ab Angelis supportari, ut quodammodo non sentientes transiant quod tantopere formidabant, nec parum mirentur postmodum tam super posteriori facilitate, quā super difficultate priori. Vultis scire quas intelligam duas manus? Duplicem utique demonstrationem, dum videlicet hinc quidem *tribulationis brevitas*, inde *æternitas retributionis* ostenditur: aut magis pingitur, vel imprimitur cordi, ut intimo affectu sentiat, quoniam momentaneum hoc & leve tribulationis nostræ supra modum in sublimitate æternum pondus gloriae operatur in nobis. Quis vero istas tam bonas per bonos non credat fieri, cum certum sit, quod econtrario malæ utique fiant immissiones per angelos malos? Habetote familiares Angelos, Frates mei, frequentate eos sedula cogitatione & devota oratione, qui semper vobis adsunt ad custodiam & consolationem.

*Brevitatem
tribulationis,
& æternitatem
retributionis
velut duas esse
manus, qui-
bus iij suppor-
tentur ab An-
gelis.*

S E R M O XIII.

De ps. XII. *In manibus portabunt te, &c.*

P Osumus hunc versum qui in manibus est, videlicet, *In manibus porta-
bunt te, &c.*, non modo de præsenti consolatione dictum accipere, sed etiam